

# Bibël për fëmijët paraqet



## Princi Nga Lumi



Shkruar nga: Edward Hughes  
Ilustruar nga: M. Maillot; Lazarus  
Adaptuar nga: M. Maillot; Sarah S; Alastair Paterson  
Përkthyer nga: Arianit Iljazi  
Prodhuar nga: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2021 Bible for Children, Inc.

E drejta e kopjimit: Mund të bëni kopje ose ta shtypni këtë histori,  
nëse nuk do ta shitni.

1

Kryeministër Jozefi  
vdiq! I gjithë Egjipti  
ndau trishtimin e  
familjes së tij.



2

Perëndia e kishte përdorur Jozefin Hebreun, për të shpëtuar vendin nga zia e bukës.

Ai ishte një udhëheqës i urtë dhe i dashur. Tani ai ishte larguar.



3

Mbi treqind vjet të gjatë kaluan. Njerëzit e Jozefit, Hebreujt, u bënë një popull i fuqishëm në Egjipt. Faraoni i ri kishte frikë se mos Hebreujt ngriheshin kundër tij, kështu që ai bëri të gjithë ata skllëvër.




4

Faraoni i trajtoi Hebreujtë mizërisht. Ai i detyroi ata të ndërtojnë qytete të mëdha. Por sado që i vunë të punojnë së tepërmi, skllëvërit Hebreuj vazhduan të rriten në numër.



5

Një ditë, Faraoni dha një urdhër të llahtarshëm. "Të gjithë djemtë e sapolindur duhen hedhur në lumin Nil". Faraoni i lig kishte vendosur ta pakësonte numrin e Hebreujve. Ai donte të vriste majde edhe foshnjat.




6

"Ç'mund të bëjmë?" një familje pyeste veten. Ata vendosën ta vënë fëmijën e tyre në Lumin Nil. Por ai do ish brenda një koshi, një shporte prej thuprash që nuk fuste ujë.



7

Duke mbajtur ngarkesën e saj të çmuar, shporta lundronte ndërmjet kallamave. Çfarë do ti ndodhte bebushit të vogël?



8

Nga një farë largësie, motra e bebushit shikonte ndërsa ngarkesa e çmuar përplasej lehtas ndër kallama.



9

Papritur, vajza e Faraonit dhe shërbëtoret e saj erdhën tek lumi për tu larë. Nuk kishte asnjë mundësi të fshihje shportën. Mbase ato do të ecnin tutje pa e parë.



10

"Oh! Një shportë. Atje tek kallamat. Çfarë do të ketë brenda, vallë?" Vajza e Faraonit urdhëroi shërbëtoren e saj të shkonte ta merrte koshin. Kur ajo e hapi - bebushi filloi të qajë. "Qenka një fëmijë Hebre", thirri e çuditur princesha.



11

"O bebushi i shkretë. Sa i bukur që qenke". Mbase vajza e Faraonit, i foli bebushit ashtu si shumë të rritur bëjnë. Ajo mbase tha edhe "Kolopuçi, rruçi puçi;" në gjuhën Egjiptase sigurisht.



12

Perëndia i kishte dhënë zgjuar'si të veçantë motrës së bebushit. Ajo vrapoi tek vajza e Faraonit. "A të gjej një grua Hebrease, që ta marrë për ty, nën kujdes bebin?" "Po, shko" ishte përgjigjia. Cilën mendoni ju se shkoi vajza të marrë?



13

"Mami, o ma! Eja shpejt; o të lutem, të lutem nxito!" Mbase vajza nuk kishte kohë të shpjegonte. Së bashku të dyja vrapuan poshtë shtegut.



14

Atje, buzë lumit, vajza e Faraonit mbante bebushin. "Ushqeje me gji për mua. Unë do të të paguaj. Quaje Moisi". Moisi do të thoshte në gjuhën Egjiptase, bir i ujit.



15

Kështu Moisi u kthye tek pridërit dhe në shtëpinë e tij. Atje, atij i mësuam të dojë Perëndinë dhe popullin Hebre. Shumë shpejt ai do të jetonte në pallat, me vajzën e Faraonit. Perëndia, i Cili i shpëtoi jetën, kishte një të ardhme të madhërishtme, për bebushin e vogël Moisi.



16

### Princi Nga Lumi


Një tregim nga Fjala e Perëndisë, Bibla

e marrë nga

Eksodi 2

"Zbulimi i fjalëve të tua ndriçon dhe u jep mendje njerëzve të thjeshtë."  
Psalmet 119:130

17



9



60

18

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkatet. Dënimi për mëkatet është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

19